

FAICT SOMMAIRE DV PROCES
*d'entre Domp Pierre de Guerville Prieur du Prieuré de Tail-
 leuille, & Domp Pierre Loyfel, touchant le possessoire dudit*
Prieuré.

En Gilles de Guerville oncle dudit Pierre luy ayant faict prendre l'abit de Religieux & faict faire profession en l'abbaye de saint Estienne de Caen, afin de luy donner moyen de paracheuer ses estudes, il luy resigna ledit Prieuré de Tailleuille: le-
 dit Domp Pierre de Guerville en obtiét prouision en Cour de Rome, sur laquelle l'ordinaire luy a baillé son *visa* en May 1597. il prend possession laquelle il a tousiours continuée par infinis actes, qui monstrent vne reelle & actuel-
 le joiuyssance.

Toutesfois ledit Loyfel fessant imaginé que ledit Prieuré auoit vacqué par la mort dudit Gilles resignant, le lende-
 main de sa mort il en obtient vne prouision de l'Abbé de Trouard, se veut jetter en la possession, ce qui donna lieu à la complaincte qui fut premierement formée pardeuant le Bailly de Caen, Iuge naturel & ordinaire des parties, & apres auoir escript & produict, interuient sentence par la-
 quelle la recreance est adjudgée audit Pierre de Guerville.

Ledit Loyfel scachant qu'en la ville de Caen & aux enui-
 rons, il est notoire que ledit Domp Pierre de Guerville est le vray titulaire dudit Prieuré, qu'il en a tousiours iouy de-
 puis huiet ans, craignant ceste publicque renommée, il a estimé *melius secum agi, si forum mutaret*, & pour y paruenir il auoit faict prendre vn deuolu à vn Chantre nommé de Murat, qui faict mestier de prester son nom à vn chacun, & ce affin d'euoquer ceste cause du ressort de Normandie. Et d'abondant ledit Loyfel prend vn visa du feu Cardinal d'Osart pour euoquer ceste cause au Conseil, laquelle y a



esté retenuë du consentement dudit de Guerville, & depuis les parties y ont escrit & produit, & est le proces en estat.

Or ledit de Guerville pour faire voir son bon droit *strictim & quasi manipulo*, il dit que regulierement la resignation bien & deuëment admise suiuite d'une actuelle possession, exclu de la vacquation par mort, *cap. cum susceptum, de rescript.* ce qui se void en la personne dudit de Guerville, qui est pourueu sur la resignation dudit Gilles dès l'an 1397. lequel a continuellement ioüy dudit Prieuré.

Mais Loyfel se fonde sur la regle de *publicandis*, & pretend que le resignant est mort en la possession, ayant rapporté quelques extraicts d'un decret, auquel s'est opposé ledit deffunct depuis ladicte resignation, prenant la qualité de Prieur de Tailleuille, & pour les arrerages de quelques rentes qui en dependent.

Ceste piece *Pelias hasta velut vulnus opemque tulit.* d'autant que l'opposition dudit decret est pour des années escheuës auparauant la resignation faicte au profit dudit Domp Pierre de Guerville. Et quant à la denomination de Prieur que l'Aduocat qui a occupé pour luy, luy attribue, *falsa denominatio, falsum attributum non mutat essentiam, neque statum personarum l. falsa l. si nominatim. Cod. de demonstr.*

Ledit Loyfel rapporte deux ou trois petits baulx d'un acre de terre, qu'il pretend estre faicts au profit dudit Domp Gilles par des particuliers preneurs, mais ils sont faicts en l'absence dudit Domp Gilles, & n'y a presté aucun consentement.

Sed ista sunt arancarum tela, & quod maius est & fortius tollit quod est minus l. per minorem, de iudiciis, l. rei maioris de exception. ledit de Guerville a produit plusieurs baulx à ferme qu'il a faicts, non point d'une acre, *non gleba & cespitis.* Mais de la meilleure part du reuenu, il a produit que les gai-

ge-pleges qui sont là tenus es assises de la iustice dudit Prieuré, ont esté faites sous son nom, son resignant estant present, & ne l'empeschant il a produit les adueus & declarations qui luy ont esté renduz. Bref il y a infinis actes qui monstrent sa continuelle iouïssance qui renuerfent & rebouchent la poincte de ceux que ledit Loysel a produits.

Ioinct que quant ledit feu Gilles de Guerville pendant l'absence dudit Domp Pierre, & sejour qu'il faisoit en l'Vniuersité de Doüay, auroit fait quelques actes contraires à la demission qu'il en auoit faicte au proffit dudit Domp Pierre de Guerville, cela ne luy pouuoit donner vn regret audit Prieuré, d'autant que le resignant estant vne fois depouillé du tiltre d'un benefice, quelque vsurpation qu'il en vueille faire, ou de la qualité, ou des fruiets, *iur & titulum nō repetit*, non plus qu'un vendeur *perfecta venditione etiam si fundi dominum se profiteatur, vel fructus percipiat*, ce que l'on doit tenir pour vne vsurpation & intrusion plustost qu'une iouïssance legitime: ce qui principalement a lieu quāt le resignateur *non praeuit assensum*, qui est ce que principalement l'on remarque en la regle de *publicandis*, introduits pour empeschier telles conniuenes & collusions mutuelles du resignant & resignataire, lesquels reseruent le benefice au plus viuant des deux.

Mais en ce proces ceste collusion n'est point, au contraire vne veritable, actuelle & publique iouïssance dudit Domp Pierre de Guerville, tesmoignée par des actes irreprochables qui eneruent & aneantissent du tout ceux dudit Loysel, lequel en tout ce proces est fondé en vne imaginaire vacquation par mort, & en des conjectures qui se dissipent par l'esclair de la verité.

Partant persiste ledit Domp Pierre de Guerville en la plaine maintenue dudit Prieuré.

Monsieur Lanier Rapporteur.



